



Sanaziun sarinera Zernez - surdattas da lavurs

In connex cul proget da la sanaziun sarinera Zernez sun gnüdas surdattas las lavurs per la montascha da las fanestras a la ditta Marco Danuser, San Murezzan e la furniziun dals vierchels specials per diversas vascas dal fuond a la firma Wild Armaturen AG, Rapperswil-Jona. Implü es gnüda surdatta l'incumbenza per l'installaziun da las portas a la ditta Rauch Metallbau AG, Zernez.

Planisaziun d'areal Cul - planisaziun infrastruttura - surdatta da lavur

Cuntschaintamaing es il plan d'areal Cul quista stà gnü approvà da la suprastanza cumünala a man da la Regenza. Per na perder temp dess fingià uossa gnir cumanzà cun la planisaziun da l'infrastructura. Las lavurs da planisaziun sun gnüdas surdattas sco seguaint: per la part da l'infrastructura la ditta Caprez SA, Zernez, per la part dal s-chodamaint central a Torsten Hartmann, Grüşch e per la part electrica, fibr'optica ed igluminaziun publica a Brüniger + Co. AG, Cuaira.

Rumida da naiv fracziun Zernez - stagiun 2023/24 - surdattas da lavurs

Il gremi responsabel ha surdat las incumbenzas per la rumida da naiv illa fracziun da Zernez per la prosma stagiun d'inviern 2023/24. La rumida da naiv vain manada tras da las seguaintas dittas cumünalas: Bagger Cello GmbH, Alfons Mayolani SA, Engiadina Recycling AG e Terretaz SA.

EW Zernez - proget TS Posta - decisiun da surdatta da furniziun

Il proget da sanaziun/rimplazzamaint dal scumpart da tensiun bassa illa staziun da transfuormaziun TS Posta es in planisaziun. La furniziun da l'indiriz da scumpart da la mezza tensiun es gnüda surdatta a la firma Schocher + Rüegg AG, Cuaira.

Cunvegna Viafier Retica - adöver temporari dal fuond - binari da s-chamgia Muglinè

La suprastanza cumünala ha approvà üna cunvegna cun la Viafier Retica in connex culs müdamaints ed adattamaints dal binari da s-chamgia in Muglinè. La cunvegna regla l'adöver temporarmaing d'üna part da la parcella cumünala no. 218.

Zernez Energia 2020 - dumonda da sustegn

Ün'ulteriura dumonda da sustegn per sanaziuns energeticas d'abitaculs our dal fondo Zernez Energia 2020 es gnüda approvada. Illa fracziun da Lavin vegnan sustgnüts Michael von Arx e Barbara Suter per la sanaziun energetica da lur chasa.

Ledscha d'energia - disposiziuns d'execuziun - approvaziun

In seguit a la decisiun fundamentala d'adattamaints da l'agir illa tematica da las contribuziuns finanzialas a progets our dal fondo da Zernez Energia 2020 es gnü preparà il sböz da las disposiziuns d'execuziun da la ledscha d'energia cumünala. Ils müdamaints cuntengan impustüt adattamaints da calculaziun da contribuziuns. La suprastanza cumünala ha approvà las disposiziuns d'execuziun chi valan retroactivmaing a partir dals 1. october 2023.

Preventiv 2024 - deliberaziun a man da la radunanza cumünala

In duos lectüras ha la suprastanza cumünala insembel culla direcziun operativa trattà detagliadamaing ils preventivs dal quint da success e dal quint d'investiziuns 2024 sco eir il plan da finanzas ed il plan d'investiziuns per tschinch ons, dal 2025 fin 2029. Ils preventivs han pudü gnir sancziunats a man da la radunanza cumünala dals 8 december 2023.

Il Cumün da Zernez ha acconsenti ils seguaints permiss da fabrica:

Parcella no. 0055, Grass Uolf Duri e Rico Corsin, Zernez – sanaziun fatschada - izolaziun externa

Parcella no. 0404, Salzgeber Lorenz Florian e Sonja, Brail – eriger nouva abitaziun

Parcella no. 3011, Nolfi Gian Rudolf, Lavin – pompa da chalur cun sondas

Parcella no. 3056, Lys Madlaina e Bischoff Flurin, Lavin – edifizii da giardinaria, prolungaziun dal permiss

«Donnschtig-Jass» - decisiun da princip

Davo cha la suprastanza cumünala vaiva decis da cuntinuar cun la candidatura pel «Donnschtig-Jass» dal radio e televisiun Svizzer (SRF) e surgni sün quai daplü detagls da l'emischiun, ha il gremi da nouv trattà quista tematica. Causa la data fich suboptimala dals 11 lügl 2024 ed ils bliers eveniments chi han lö d'ürant quel temp in cumün ha la suprastanza decis da desister sülla partecipaziun al «Donnschtig-Jass» da prosma stà.

Persunal cumünal - scolaziun

Il Cumün da Zernez gratulescha a sia collavuratura Ladina Rodigari per la finischun da seis examens finals sco assistenta da direcziun cun certificat professional federal.